



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorvm

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

CXI. Karlomanni Regis Italiae praeceptum pro monasterio sanctae  
Christinae.

**urn:nbn:de:hbz:466:1-22974**

audiendas, aut fræda vel tributa exigenda, aut mansiones vel paratas faciendas, aut fidei iustores tollendos, aut homines ipsius Ecclesiæ tam ingenitos quàm servos super terram ipsius commanentes vel francos injustè nec justè distingendos, nec ullas redibitiones aut illicitas occasiones requirendas, nostris & futuris temporibus ingredi audeat, vel ea quæ superius memorata sunt penitus exigere præsumat, sed liceat memorato Præsuli suisque successoribus res prædictæ Ecclesiæ cum omnibus sibi subjectis sub immunitatis nostræ defensione quieto ordine possidere & nobis fideliter deservire. Petiit etiam idem venerabilis Frodoynus Episcopus ob amorem Dei & reverentiam sanctæ crucis, in cuius honore prædicta Ecclesia Barchinonensis dedicata est, & sanctæ Eulaliæ, cuius corpus in ipsa Ecclesia requiescit, ut canonicam restaurare eidem Ecclesiæ, quæ penitus destructa esse videtur, ei concessissemus, & auxilium sive adiutorium præberemus. Nos ergo ob remunerationem mercedis animæ nostræ concedimus eidem Episcopo licentiam canonicam ejusdem Ecclesiæ restaurandi. Et ad ipsam Ecclesiam concedimus & per hoc præceptum nostræ auctoritatis confirmamus cellam sanctæ Eulaliæ & sancti Genesij, sicut Iovencianus Presbyter de heremo traxit, & quod incultum reliquit, cum omnibus appendiciis suis, molinis, terris, & hortis, & agrum qui est situs juxta strata publica prope villam Pinellos, & cellam quæ est pagi Gerundensis, sive sancti Martini Ecclesiam, cum vineis & silvis & villis sibi pertinentibus, & domum sancti Cucuphatis & sancti Felicis ad locum Octavianum cum aprisonibus & adjacentiis & omnibus ibidem pertinentibus, sicut Oskofredus Abba per præceptum tenuit, domum sancti Genesij & sancti Martini sitam in rivo Teneſi, & villa quæ dicitur Codes cum speluncis, molinis, terris cultis & incultis, & omnibus adjacentiis suis, item domum sancti Martini ad locum maritimum, juxta rivo Argentona, cum villaricellos desuper positos, cum terminis & adjacentiis suis. Item concedimus prædictæ Ecclesiæ seu venerabili Episcopo prædicto de proprietate nostra locum qui dicitur Riellos, situm in latere montis Signi, juxta alodem Baroni, & villam quæ dicitur Breda, & villam Campinos cum exemplariis, ædificiis, casticiis, & vineis, terris cultis & incultis, & cum omnibus adjacentiis ibidem pertinentibus, cum domo & vinea vel horto quod ibi ædificavit Otolgus Presbyter, & villaricello quod dicitur Cerdanus per summitatem montis Signi usque in rivo Tordaria, excepto quod Spani homines de heremo traxerunt. Et in alio loco, villare quem dicunt de Provasio, & Ecclesia sanctæ Mariæ ibidem sita. & villaricellos qui sunt per ipsa terra de ipso monte, unde ipsa strata dividit usque ad aliam stratam quæ pergit de Gerunda ad Barchinonam. Concedimus insuper ei tertiam partem telonei, sicut Bernardus Marchio noster per præceptum genitoris nostri ei acceptavit de suburbio loci ipsius, tam de mari quàm omni mercationi, & de heremis terræ, & de portatico, & de moneta. & villam, id est Romanos, cum villaricello desuper posito, juxta domum sancti Stephani, & alteram villam Rodaldi cum suis ad-

iacentiis, sicut in præcepto Domni genitoris nostri continetur, seu domum quæ in civitate est Barchinona, sicut Aduſus Episcopus habuit. Concedimus ei agrum suum prope civitatem Barchinonam quem hæcenus Godus nomine Recosindus de potestate Ioannis Episcopi tulit & abſque lege tenuit. Volumus etiam ut præfatus Episcopus sui que sibi commissi pro nobis, conjuge, ac prole Domini misericordiam exorare non neglegant. Ut autem hæc nostræ munificentie auctoritas firmior habeatur, & nostra largitas semper in Dei nomine obtineat firmitatis vigorem, manu propria subter eam firmavimus, & anulo nostro insigniri iussimus.

Signum Ludovici gloriosissimi Regis.

Vulfardus Notarius ad vicem Gozleni recognovit.

Datum v. Idus Septembris Indictione xj. anno primo regni Domni Ludovici gloriosissimi Regis.

Actum Treca civitate in Dei nomine feliciter. Amen.

### C X I.

*Karlomanni Regis Italia præceptum pro monasterio sanctæ Christinæ.*

**I**N nomine sanctæ & individue Trinitatis. Karlomannus divina favente gratia Rex. Quicquid pro Dei summi amore sanctorum ipsius veneratione sacratis locis impendimus, ad nostri augmentum regni non diffidimus profuturum. Idcirco universorum sanctæ Dei Ecclesiæ fidelium nostrorumque fidelium presentium scilicet & futurorum sagacitas noverit quod nos tam divino tacti instinctu quàm sempiternæ retributionis compulsi intuitu ad repropitiandum nobis nostrisque parentibus cælestem Regem & dominatorem omnium, beate virginis & martyris Christinæ cænobium in Italico regno constructum haud procul à curte regia qua Ollona dicitur, ubi venerabilis Abba Trasoaldus præesse videtur, cum omnibus qui sub cura & ditione ipsius sunt famulis Christi, cunctisque rebus ac familiis ad eundem locum respicientibus, sub nostrum mundebardum & perennem tuitionem suscepimus. Confirmamus quoque solemniter & per hanc nostræ auctoritatis paginam corroboramus quicquid eidem venerabili monasterio in rebus mobilibus & immobilibus à tempore constitutionis suæ usque in præsens ex dono priscorum Regum Reginarumque tam antecessorum quàm propinquorum nostrorum seu aliorum quorumlibet fidelium largitione, collatione, vel qualicumque oblatione divina pietas contulit aut largiri dignabitur in posterum, ut habeant illud atque possideant famuli Christi jure quieto ac pacifico sub nostræ immunitatis protectione illæsi jugiter permanentes, & pro nostri statu regni altissimum rogantes, omni nostra hereditumque nostrorum ac successorum molestatione, inquietudine, vel subtractione remota. Volumus denique ut quotienscunque vel undecunque opus habuerint, de rebus & familiis ejusdem monasterij tamquam de dominicatis nostris per publicos

An. 879.  
Ex veteri  
codic. Lon-  
gobardico.

blicos exactores inquisitio fiat. Illud quoque omnimodis interdiximus, ut in domibus & in cellulis ejusdem cenobii ex hoc nunc & in posterum nullus mansionaticum, teloneaticum, ripaticum, aut aliquas publicas functiones exquirere audeat; nullamque in commenditis eorum liberis ac servis, massariis, libellariis, aldionibus contra legem violentiam inferat, aut eos potestativè distringere aut pignorare præsumat. Quod qui fecerit, subiectam \* immunitionis nostre penam componere cogatur. Quia verò supra taxatum monasterium cum sit aliis substantia in fame, & tamen hospitium & peregrinorum susceptioni paratissimum, ob hoc ad majorem nostræ mercedis emolumentum conferimus atque donamus ad Dei servorum inibi degentium supplementum partem terræ de gualdo nostro quod Susmate dicitur, & pertinet de curte regia Salluciola, & est per mensuram legitimam ad juges centum quinquaginta de terra permisiona, habens fines ab ortu solis ipsum gualdum Susmate, & massarius prædictæ curtis Salutiolla à meridie & occidente vallem Guidam & Lenatum percurrentem ab Alapallone locum & gualdum Susmate. Ipsam terram per infra . . . præfato sanctuario mancipamus atque largimur in perpetuum possidendam, omni publica repetitione sopita. Si quis autem contra hæc nostræ firmitatis atque liberalitatis statuta agere ausus fuerit, triginta libras auri probati componat, medietatem cameræ nostræ, & medietatem sacro loco cujus munimentum infringere ausus fuit. Et ut hæc nostra promulgatio sine largitio perenni stabiliatu robore, manus nostræ monogrammate subter illam adnotamus, & ex anulo nostro insigniri iussimus.

Signum Domni Karlmanni serenissimi Regis. Baldo Cancellarius ad vicem Thiotmari Archicancellarii recognovi.

Datum v 111. Kal. Maij anno Christo propitio 111. Domni Karlmanni invictissimi Regis in Bavaria, \* 111. In Italia, Indictione x 11.

\* Leg. 1111. Actum ad Canigult curte regia in Dei nomine feliciter. Amen.

## CXII.

*Bofonis Regis Provinciae præceptum pro Ecclesia Augustodanensi.*

An. 879. Ex chartulario Ecclesie Augustodanensis  
**I**N nomine sanctæ & individue Trinitatis. Boso gratia Dei Rex. Si piis fervorum Dei petitionibus operi ferendo consulimus, Deum nobis ob id præsentis & futuro seculo propitiari nullatenus dubitamus. Quapropter notum sit omnium sanctæ Dei Ecclesie fidelium nostrorumque unitati quoniam Adalgarius venerabilis Eduorum Episcopus ad nostræ sublimitatis accedens mansuetudinem deprecatus est ut auctoritates & præcepta Regum videlicet prædecessorum nostrorum ob majoris firmitatis vigorem scripto nostræ auctoritatis confirmaremus & secundum quod motis est roboraremus. Nos autem ejus petitionibus tanto licentius cessimus quanto nobis id profuturum perspeximus amplius. Statuimus ergo confirmantes & confirmando decernimus ut Tom. II.

omnia præcepta quæ jamdictæ Ecclesie ab antecessoribus nostris Regibus videlicet & Imperatoribus facta sunt, omnibus temporibus maneant inconcussa, & tam ex abbacia Flaviniaco quam & ex villa Beliniaco, necnon & ex villa Lucenaco, seu & ex villa Tiliniaco, quam etiam ex aliis rebus omnibus ejusdem Ecclesie præcepta & auctoritates nostra ditione roborentur, maneat inconcussa. Montem quoque qui vocatur Semurus, cum Ecclesia quæ supra est & duobus molendinis, jamdictæ Ecclesie subque Præfati Adalgario æternaliter delegamus & delegantes concedimus & de nostro jure in jus & dominationem sancti Nazarij regio more transferimus. Ut autem hujus nostræ auctoritatis confirmatio majorem obtineat vigorem, manibus propriis subter firmantes, anuli nostri impressione subter justissimum sigillari.

Signum Bofonis gloriosissimi Regis. Elibertus Cancellarius ad vicem Aureliani Archiepiscopi recognovit.

Datum v 11. Idus Novembris Indictione x 11. anno 1. regni Domni Bofonis gloriosissimi Regis.

Actum Lugduno civitate in Dei nomine feliciter. Amen.

## CXIII.

*Aliud ejusdem Bofonis præceptum pro monasterio Cariloci.*

An. 879. Ex authentico, quod exstat Lugduni.  
**I**N nomine sanctæ & individue Trinitatis. Boso misericordia Dei Rex. Quantum in divinis cultibus Deoque famulantium necessitatibus auxilium libentius porrigimus, tanto id nobis ad mortalem vitam temporaliter deducendam & ad futuram feliciter obtinendam commodum provenire confidimus. Igitur notum esse volumus cunctis fidelibus sanctæ Dei Ecclesie nostris que presentibus scilicet ac futuris quoniam adit serenitatem nostram Siuvaldus Comes & fidelis noster suppliciter flagitans quatenus monachis ex monasterio Kariloci, quod est dicatum in honore sancti Stephani in comitatu Mariscensi super Sonam fluvium, in aliquo concederemus. Cujus petitioni, utpote rationabili, annuentes, per hos nostræ celsitudinis apices concedimus ad ipsum monasterium monachisque ibidem Deo militantibus abbatiolam in honore sancti Martini, cum omnibus Ecclesiis ad se pertinentibus, cum terris, pratis, pascuis, silvis, aquis, aquarumve decursibus, cum exitibus & regressibus & omnibus adjacentiis suis. Hæc omnia superius nominata cum omnibus integritatibus pro mercede Domni Karoli Imperatoris & anime nostræ remedio ac conjugis nostræ ipsi loco & suis ab hodierno & in posterum perpetualiter concedimus possidendam. Et ut hæc nostræ confirmationis auctoritas Domino protegente nostris futurisque temporibus inconcussa permaneat, manu propria subter firmavimus, & anuli nostri impressione insigniri iussimus.

Signum Bofonis serenissimi Regis. Stephanus Notarius ad vicem Adalgarij recognovit.

CCccc